

Լ. Սարգսյան

ՕՍՄԱՆՅԱՆ ԿԱՌԱՎԱՐՈՒԹՅԱՆ ԱԳՐԱՐԱՅԻՆ ՔԱՂԱՔԱԿԱՆՈՒԹՅՈՒՆԸ
ԹՈՒՐԲԱՆԱՍՏԱՆՈՒՄ XIX ԴԱՐԻ ԵՐԿՐՈՐԴ ԿԵՍԻՆ

Օսմանյան կառավարության ագրարային քաղաքականությունը թուրքահայաստանում, ինչպես նաև թուրքերի քաղաքական և տնտեսական ճնշման բոլոր ձևերի կիրառումը հայերի վերաբերյալ, ունեցել են մի հիմնական նպատակ՝ Հայաստանը մաքրել հայերից: Ահա թե ինչ է ասել 70-ական թվականների երիտասարդ թուրքերի պարագլուխներից մեկը՝ Բեմալ փաշան:

«Հիմա, այսօր Անգլիո շահերը կպահանջեն, որ Փոքր Ասիո (մենք և Անգլիա Հայաստան բաժր ոչ միայն չենք ճանչեր, այլ այդ անունը հնչող կղանները պետք է ջախջախենք) մեր ունեցած երկիրները ազատ մնան օտարին միջամտութենեն և միջամտության ամեն առիթներեն. ուստի այդ սուրբ նպատակին համար պետք է և պետական իրավունք կպահանջե, որ որևիցե կասկածելի տարր անհետ ընենք, որպեսզի ապագան ապահովենք, ուրեմն այդ հայ ազգը վերցնելու, անհետ և անճետ ընելու ենք: Եվ այդ ի դուրս հանելու համար բան չի պակսիր մեզ. ամեն գործիք պատրաստ ունինք քուրդ, չերկեզ, կուսակալ, գատավոր, հարկահան, ոստիկան, վերջապես ամենայն ինչ, կրոնական պատերազմ կհրատարակենք, և գյուղին պատերազմ այնպիսի ազգի մը դեմ՝ որ ոչ զենք ունի, ոչ զինվորություն և ոչ պաշտպան. երբ ընդհակառակն, մենք զենք էլ ունինք, զինվորություն էլ և աշխարհիս ամենամեծ տերությանց մեկը՝ և ամենեն հարուստը մեզ նիզակից է և մեր Ասիական աշխարհքին երաշխավոր: Եվ եթե այդ հայ ազգը բնաջինջ լինի և քրիստոնյա եվրոպա կրոնակից մը փնտռէ և չի գտնէ տաճկական Ասիո մեջ, կըթողու զմեզ հանգիստ և այն ասեն կզրադինք ներքին գործերով և բարեկարգությանը: ¹ Բեմալից բերված այս խոսքերը ցույց են տալիս, որ հայերի հարստահարումը և ջարդը թուրքիայի հայկական վիլայեթներում չի եղել պատահական երեւոյթ կամ մուսուլմանական ազգաբնակչության ֆանատիզմի հետեանք, այլ եղել է կազմակերպված և մտածված ծրագիր:

Այս առթիվ անգլիական քահանա Մակկոլն իր «Ответственность Англии перед Арменией» աշխատության մեջ գրում է. «Քրիստոնյաների ջարդը Օսմանյան կայսրությունում կատարվում է պարբերաբար, ոչ որպես տեղական ֆանատիզմի պայթյունների հետևանք, այլ որպես քաղաքական ակտ, կապված որոշ սխտեմի հետ և կատարվում է մշտապես սուլթանի և նրա խորհրդատուների հրամանով կամ ներշնչմամբ»:

¹ «Փոքր», 1879 թ. VI—VIII, էջ 204—205:

² Հայ. Մեյքոօօօ Մաքոօօ—«Ответственность Англии перед Арменией» (см. сборник—«Положение армян в Гурции до вмешательства держав 1895 г.», изд. 1896 г. стр. 173).

Մի ուրիշ հեղինակ, ֆրանսիական հայտնի գիվանդեստ ժյուլ Կամբոնը, խոսելով հայերի 1891—1896 թվականների ծարղերի մասին, որել է հետեւյալը. «...Միասին չեն գործում Երզնկայի մարզապետները և կառավարությունը, և արդյոք վերևում (սուլթանի արքունիքում—Ե. Ս.) չի մտածված ոչնչացնել ամբողջ հայ ազգը: Դիարբեքիում, Սիվադում, Տրապիզոնում և մինչև անգամ Կոստանդինուպոլսում տեղի քրիստոնյաներն ապրում էին ընդմիջտ անհրաժեշտ և երկյուղի մեջ: Դրիստոնյա աղգաբնակչությունը սարսափեց խելքը կորցրած փախչում էր...»¹

Նշից էր լինում թուրքերի այդպիսի քաղաքականությունը թուրքահայաստանում և ինչու այդ քաղաքականությունը ավելի ևս ուժեղացավ հատկապես XIX դարի երկրորդ կեսին:

Ինչպես հայտնի է, XIX դարի առաջին կեսին Օսմանյան կայսրության նվաճական մասում տեղի են ունեցել հույների և սերբերի ազգային-ազատագրական շարժումները, որոնք վերջացան նրանց լիակատար ազատագրումով օսմանյան լճից: Օսմանյան կառավարությունը, վախենալով հետագա ազգային-ազատագրական շարժումներից, վճռական միջոցներ է ձեռք առնում իր հպատակ քրիստոնյա ժողովուրդների դեմ և առաջին հերթին հայերի, որովհետեւ հենց ճիշտ XIX դարի երկրորդ կեսից թուրքահայաստանում ուժեղանում է ազգային ազատագրական շարժումը, որի հիմնական շարժիչ ուժը հանդիսանում էր գյուղացիությունը: Անհրաժեշտ էր ճնշել այդ ազգային ազատագրական շարժումը, որը միևնույն ժամանակ ուղղված էր նաև ֆեոդալական կուրգերի և ֆեոդալական շահագործման դեմ, հետևապես և սուլթանի, որպես ամբողջ այդ սիստեմը զլխավորողի:

Երա հետ միասին թուրքական նորածին առևտրա-արդյունաբերական բուրժուազիան ի վիճակի չէր մրցել հայկական և ուրիշ քրիստոնյա աղղերի բուրժուազիայի հետ: Այդ պատճառով թուրքական ազգային բուրժուազիան, որն արդեն զբաղվել էր արդյունաբերական արտադրության մեջ, պայքարում էր իր այդ դիրքը և միաժամանակ կայսրության ամբողջությունը պահպանելու և ուժեղացնելու համար: Իր քաղաքականությունը հայերի նկատմամբ իրադրոժելով, Օսմանյան կառավարությունը հենվում էր քրդական բեկերի վրա: Պետք է ասել, որ 40—50-ական թվականներին Օսմանյան կառավարությունը հաջողվեց հնազանդեցնել քրդական ցեղերը, օգտագործելով նրանց, Օսմանյան կառավարությունը ամեն կերպ աշխատում էր ոչնչացնել հայերին:

Եվ վերջապես Օսմանյան կառավարության քաղաքականության ճնշման ուժեղացումը հայերի հանդեպ կապված էր XIX դարի երկրորդ կեսին Անգլիայի, Ֆրանսիայի, Դերմանիայի և Ռուսաստանի էքսպանսիայի ուժեղացման հետ:

Նվաճական պետությունները թուրքիայի համար մղված պայքարում նպատակ ունեին ուժեղացնել իրենց քաղաքական դիրքը և ձեռք բերել

¹ Жюль Камбон—„Дипломат“, перевод с французского, изд. 1946 г., стр. 49 (Հնդգծումը մերն է—Ե. Ս.):

նոր հնարավորություններ՝ Օսմանյան պետության ներքին քաղաքական կյանքի վրա ազդելու համար։ Այդ պայքարում նրանք օգտագործում էին թուրքիայում բնակվող ազգային փոքրամասնությունների ազգային-ազատագրական շարժումը, հանդես գալով նրանց «պաշապանների» դերում, միաժամանակ, գա չէր խանգարում նույն պետություններին՝ գուրս գալ Օսմանյան կայսրության մեջ բնակվող ազգային փոքրամասնությունների դեմ այն ժամանակ, երբ վերջիններս փորձում էին ռևոլուցիոն ճանապարհով ազատվել օսմանյան տիրապետությունից։ Եւ քաջատրվում է նախ նրանով, որ այդ կապիտալիստական երկրների իշխող գասակարգերը դեմ էին ռևոլուցիային, թեկուդ և այն ուղղված լիներ թուրքական սուլթանի դեմ, երկրորդը՝ ճնշված ժողովուրդների իսկական ազատագրումը Օսմանյան տիրապետությունից եվրոպական պետությունների ձեռքից խլում էր այն ուժեղ դեմքը, որի միջոցով նրանք, ելնելով իրենց շահերից, ազդում էին թուրքիայի քաղաքականության վրա։

Երանք են հիմնականում այն ներքին և արտաքին պատճառները, որոնցից ելնելով սուլթանական կառավարությունը կիրառում էր Հայաստանը հայերից մաքրելու քաղաքականությունը։ Եւ թուրքերի քաղաքական ծրագիրն էր, սրի հիմքում, ինչպես ասացինք վերևում, գրված էր ազրարային քաղաքականությունը։

Ազրարային քաղաքականությունը ուսումնասիրելու ժամանակ անհրաժեշտ է պարզել թե հողերի ի՞նչ կատեգորիաներ են գոյություն ունեցել մեղ հետաքրքրող թուրքահայաստանում և հողի տիրապետման ինչ իրավունքներ են եղել։

Ինչպես թուրքահայաստանում, այնպես էլ Օսմանյան պետության մյուս մասերում, 1858 թվի հոգային օրենքի հիման վրա գոյություն ունեին չորս կատեգորիայի հողեր.

1. Միրիե — պետական։

2. Արադի — մեկուֆե-վակուֆ — մուսուլմանական հոգևորականների և մզկիթների հողեր։

3. Մյուլք — մասնավոր սեփականատերերի հողեր։

4. Արադի-մետրուկե — հասարակական օգտագործման հողեր։

Այս չորս տեսակի հողերը գոյություն ունեին վաղ ժամանակից և 1858 թվի հոգային օրենքը միայն գրի առավ այն հոգային կատեգորիաները։

Հայկական եկեղեցիների հողերը չէին մտնում վակուֆային հողերի կատեգորիայի մեջ, Հայկական եկեղեցին ղրկված էր այն իրավունքներից և արտոնություններից, որոնցից օգտվում էին մուսուլմանական մզկիթները։ Այդ պատճառով թուրքահայաստանում եկեղեցական հողերը հարկվում էին։ Վակուֆ, — ասում է Գրիգոր Արծրունին իր դասախոսության մեջ, — համարվում է մզկիթների և առհասարակ եկեղեցիների սեփականություն, բայց երևում է, որ քրիստոնեական եկեղեցիները և վանքերը իրավաբանական անձնավորություններ չեն համարվում, որովհետև, ինչպես տեսնում ենք 4. Պոլսի Հայոց պատրիարքարանի պաշտոնական տեղեկություններից, հայերն անգաղար գանգատվում էին, որ վանքերի և եկեղեցիների կալվածները մահլուլ (անտեր, անմշակ, անժառանգ են — Ե. Ս.) են

հայտնվում և տերութունն առանց այլիայության նրանց ծախում է և թաֆու՝ է տալիս մասնավոր անձանց»։¹

Ուստի չի կարելի հայկական եկեղեցիների հողերը նույնացնել վաղու-ֆային հողերի հետ (ինչպես դա անում են մի շարք հեղինակներ), վերջին-ները լինելով մուսուլմանական մզկիթների լրիվ սեփականություն, ազատ-ված էին պետական և ամեն տեսակի հարկերից, մինչդեռ հայկական եկե-ղեցիների հողերը չէին համարվում նրանց սեփականությունը, այլ անվա-նապես պատկանում էին սուլթանական պետությանը և հարկվում էին ինչ-պես և մյուս մնացած հողերը, եվ այն դեպքում, երբ եկեղեցին ի վիճակի չէր լինում հարկը տալ, ինչպես պատահում էր նաև մասնավոր սեփակա-նատիրական հողերի հետ, եկեղեցական հողերը պետությունը վաճառքի էր հանում։ Հայկական եկեղեցիների հողերի վաճառքի և թուրք ու քուրդ բե-կերի կողմից բռնի կերպով դրանց դրավման մասին բազմաթիվ վավերա-գրեր կան «Դիվան հայոց պատմության» ԺԴ գրքի և Ֆրանսերեն լեզվով հրատարակված «La situation des Armeniens en Turquie» ժողովածուի մեջ, որի վերաբերյալ մենք կխոսենք ներքևում, երբ խոսք կլինի եկեղեցա-կան հողերի բռնագրավման մասին։

Հողերի այդ չորս կատեգորիաները օրինագրվել էին օսմանյան հո-ղային օրենսդրություններով, հայերը՝ ըստ թուրքական օրենքի, իբր թե համարվում էին հողատեր, բայց այդ միայն ձևական էր։ Բողոքու-թյունը Հայաստանում ցույց էր տալիս բոլորովին հակառակը. 1839 և 1856 թվականների բարենորոգումները՝ այսպես կոչված «Թանզիմաթի ու-ֆորմները», որոնք քրիստոնյա ազգաբնակչության, այդ թվում և հայերի, իրավունքները հավասարեցնում էին մուսուլմանների իրավունքների հետ, մնացին միայն թղթի վրա. փաստորեն ամեն տեղ շարունակում էր իշխել կամայականությունը։ Այդ է վկայում Նրիմյանը իր բողոքագրում, ուղղված Կ. Պոլսի հայոց պատրիարքին, որտեղ նա՝ խոսելով Մուշի վիլայեթի մասին, գրում է. «...Չի կա երկիր մի Մշո երկրի պես շահաբեր և արդյունավոր և միանգամայն տերության գանձին ավագան լեցնող առատ աղբյուր մի. բայց չի կա երկիր մի նորա պես թշվառ խեղճ... Թանզիմաթի բարեկար-գություն հոն մուտ չէ գործեր, գեղացի ժողովրդոց վիճակ նույն է և ավե-լի վատթար, ինչպես 20 տարի առաջ ապստամբ պեյերը կիշխեին մեկ-մեկ գավառի վրա տիրապետելով»։ «...Մեր,— այնուհետև շարունակում է Նրիմ-յանը,— բարեգութ Օգոստափառին գահին ծագած Հաթիի հումայունի հա-վասարության արևը գեռ այս դժբախտ աշխարհին վրա նշույլ մի անգամ ծագած չէ, ուր ամեն բան խավարին մեջ կը գործվի, տեղական կառավա-րությունը... ուզե կտեսնա իր աչքի առաջ գործված ոճիրները, չուղե չի տեսնար»։²

Որ սուլթանի կողմից խոստացված ռեֆորմները մնացին միայն թղթի

¹ Թաֆու—նշանակում է կալվածագիր, որը տրվում է պետությանը ծախած հողի դի-մաց, Բայց թաֆույով հող առնողը սեփականատեր չէր դառնում, այլ ստանում է միայն հողի օգտագործման իրավունք։ Թաֆույով տված հողի տերը դարձյալ մնում էր պետությունը։

² Գրիգոր Արմուրյան—«Թուրքաց հայերի տնտեսական դրությունը», Թիֆլիս, 1894 թ., էջ 31։

³ «Դիվան հայոց պատմության», դրբ ԺԴ, էջ 461—463։

վրա, երևում է նաև Probyn-ի „Armenia and Libanon“ աշխատությունից: «Թեև,— գրում է նա,— 1856 թվի հրովարտակը Փարիզի դաշնագրության մեջ էլ մտել էր, այնուամենայնիվ երբեք չի գործադրվել նահանգներում: Այնուհետև հայերի և թուրքերի հավասարությունը օրենքի առաջ մնաց միայն թղթի վրա: Թուրքիայի քրիստոնյաներն ընդհանրապես, և հայերը մասնավորապես դուրկ են քաղաքական կյանքի ամենակարևոր տարրիս—կյանքի և ստացվածքի ապահովությունից: Հայերը, ռուղարները և ուրիշ քրիստոնյա հպատակները ներկայացնում են մի անօգնական հոտի պատկերը, անպաշտպան այնպիսի դայերի հարձակմունքներից, որպեսիք են քրդերը, չերքեզները և ուրիշ վայրենի ցեղերը: Իսկ կառավարությունը, որ պետք է պահպաներ իր հպատակների շահերը, ևսևախ պագակ-նեքին և պաշտպանություն ցույց տալիս և ավարը Ըոցաի հետ բաժանում: (Ընդգծումը մերն է—Ե. Ս.): Հայոց այս անմխիթար դրությունը շարունակվում է և ներկայումս, չնայելով, որ շատ տարիներ են անցել այն ժամանակից, երբ հրատարակվեցան դանազան խաթի-չերիֆներ ու խաթի-հումայուններ, որոնց մեջ Օսմանյան կայսրության բոլոր հպատակներին անխտիր խոստացվում էր կատարյալ ապահովություն, կրոնական թույլտվություն և հավասարություն օրենքի առաջ...»¹

Թանգիմաթի ռեֆորմներից դժգոհ էին մանավանդ քրդական ֆեոդալները, որովհետև նրանք զրկվում էին քրիստոնյաների նկատմամբ ունեցած իրենց նախկին արտոնություններից:

«Տեղեկագիրք գաւառական հարստահարութեանց» ժողովածուի վավերագրերից շատերը ցույց են տալիս, թե ինչպես քրդական ռեյիերը թանգիմաթի հետևանքով կորցնելով Հայաստանում ունեցած իրենց նախկին արտոնությունները, նորից վերականգնեցնում են իրենց իրավունքները: Այդ մասին Վանից հաղորդում են, որ «...քուրդ ռեյիերը՝ թանգիմաթի հաստատությունեն առաջ իրենց վարած բռնական իշխանությունը վերստին ձեռք առած են, չարչարելով, հարստահարելով գյուղերն, որ ըստ առաջնույն տուրք վճարեն իրենց»:²

Նման հաղորդումներ կան նաև «Դիվան հայոց պատմության» ժԳ գրքում: Այսպես, օրինակ՝ ազգային ժողովին և պատրիարքին հասցեագրված Մուշի գավառի գյուղացիների բողոքագրում ասված է. «...Մեր Մշո դժբախտ երկիր ցարդ ոչ թանգիմաթի և ոչ ալ թաշքուլաթի օգուտներ վայելեց և դեռ առաջին բարբարոսություն պես զմեզ անխնա կը նեղեն, կը չարչարեն և կը հարստահարեն...»:

Այս բոլորից երևում է, որ թանգիմաթի ռեֆորմները ոչ միայն հայ գյուղացիությանը չեն բավարարել հողով և չեն հավասարեցրել հայերի իրավունքները մուսուլմանական ժողովրդի իրավունքները, այլ ընդհակառակը հայերի հարստահարումը ավելի ուժեղացել է: Դա բխում էր այն ներքին և արտաքին պատճառներից, որոնց մասին խոսեցինք այս հոգովածի սկզբում:

¹ „Armenia and Libanon“, by J. W. Probyn, London, 1877 (տես «Փորձ ամսագիր», 1877—78, էջ 376)։

² «Տեղեկագիրք գաւառական հարստահարութեանց», Կ. Պոլիս, 1876 թ., էջ 25։

³ «Դիվան հայոց պատմության», գիրք ԺԳ, էջ 143։

Հայերի հարստահարումը ղնում էր երկու ուղղութիւնով՝ նրանց հողերի մասսայական բռնագրավումով և հարկային սխտեմի ճնշման չտեսնված ուժեղացումով:

Թուրքահայաստանում Օսմանյան կառավարութիւնը գործադրում էր հայկական հողերի բռնագրավման տարբեր մեթոդներ:

Որոշ կանգ կառնէր թուրքական լծի տակ գտնվող հայերի հողերի բռնագրավման այն մեթոդների վրա, որոնք գործ էին ածվում սխտեմատիկորեն և ամենուրեք:

Ամենատարածված և ընդունված մեթոդը հողերի բացահայտորեն բռնագրավումն էր. այդպիսի բռնագրավումների թիվն անհաշիվ էր:

Կ. Պոլսի պատրիարք Ներսես Վարժապետյանն իր 1876 թ. զեկուցագրի մեջ մեկ անգամ մեկ թվում է 258 գյուղերից, 22 վանքերից, 2 ավանից և մեկ քաղաքից բռնագրաված հողերը: «Ավելորդ է կրկնել,—գրում է Վարժապետյանը,—որ Ասիո միջ խել մը պեյեր ու աղաներ, օգուտ քաղելով ժողովրդյան ակարութենէն, տգիտութենէն և հետևաբար տերութեան կանոնաց անտեղյակ լինելէն, ինչպես և քաջալերվելով պաշտոնեից ոմանց անհոգութենէն, հաջողոր է մեկ մեկ միջոցով արտերն իրենց վրա թափուրնել տալ: Իսկ այն պեյերն ու աղաներն, որք տակալին հաջողած չեն մի և նույն նպատակին հասնելու, ամեն նենգութիւն և բռնութիւն ի դործ կը դնեն. բռնի սերմ կուտան հողագործին և անոր քրտամբն ու աշխատութեամբ զոյացած արքունի տասանորդը վճարվելն ետև կեսն և երբեմն ալ ավելին իրենք կառնուն, կամ ծանր վարձքեր կպահանջեն հողագործեն և բռնաբար կստանան. աղքատ հողագործը կը թշվառանա, հողագործութիւնը կը հետևի և հայրենյաց ու գանձուն մեծ ֆնաս կը բերի:

Սույն բազմաֆնաս վիճակին վերջ դնելու համար հարկ է՝ որ մեր ասիական հողագործ ազգայիններն իրենց բավական ըլլալու չափով սեպհական հող ունենան, և միանգամայն ազդեցութեան տեր մարդոց միջամտութենէն բոլորովին ազատ մնան, որպիսիք իրենց կացութիւնը բարելոքի և ապահովի:

Այնուհետև Ներսես Վարժապետյանը գրում է, որ ինքը հույս ունի թե այս անգամ Բարձր Դուռը իր խնամակալութեան տակ կվերցնի խեղճ ժողովրդին, կկազմի խառը հանձնաժողով՝ տեղերում հողային վեճերը քննելու համար:

Հայտնի է, որ այդպիսին հիմնվեց երեք տարուց հետո 1879 թվին, այն էլ ոչ թե պատրիարք Ներսեսի, այլ եվրոպական պետութիւնների պահանջով, որովհետև եվրոպական պետութիւնները պնդում էին, որպեսզի Օսմանյան կառավարութիւնը կիրառեր Բեռլինի պայմանագրի 61-րդ հոդվածը:

•

Սուլթանը առերես ցույց էր տալիս, որ միջոցներ է ձեռք առնում Հայաստանում ունեւորները իրականացնելու համար: Բայց նա լավ գիտեր, որ մեծ պետութիւններն առաջ են քաշում ունեւորների հարցը այն ժամանակ միայն, երբ իրենց հարկավոր է մի բան պոկել Թուրքիայից: Այդ պատճառով, երբ իրեն հանգիստ էին թողնում, նա շատ շուտ մոռա-

¹ «Տեղեկագիրք զաւտական հարստահարութեանց», էջ 29—31:

նում էր այդ ռեֆորմները: Նույնը պատահեց նաև Արդուլ Համիդի կազմակերպած հանձնաժողովի հետ, որը փաստորեն դեռ չէր էլ սկսել աշխատանքի տեղերում, երբ ցրվեց նրա հրամանով:

Հայկական հողերի բռնագրավման վերաբերյալ կան բազմաթիվ վավերագրեր նաև վերև հիշված ֆրանսերեն ժողովածուի մեջ: Բերենք դրանցից մի քանիսը:

Մուշից հաղորդում են, որ «Շատ տարիներ սրանից առաջ Թուրքիայից հաջի Նադիր աղան (Մուշ), եկել է բնակվելու Դոմ դյուզում (Մուշ) իր հետ ունենալով միայն ձի և հրաձիվ, տեղի կառավարության պրոտեկցիայի շնորհիվ այդ մարդուն հաջողվեց քչիլ գյուղի բնակիչներին և նրանց կալվածքներին տեր դառնալ»:

Նույն Մուշի վիլայեթից հաղորդում են հետևյալը «...Բողլան գյուղի հողերը զավթված են. զավթիչների անուանները և խլված հողերի քանակը գրի են առնված»:

Վանի նահանգից ուղարկված մի ուրիշ փաստաթղթում ասված է. «Այն ժամանակ, երբ հայկական գյուղերը ներկայացնում են բռնագրաված հողերի և ունեցվածքների ցուցակները և պահանջում են հետ վերադարձնել, հանցագործները, թալանչիները խմբերով մեկնում են վարչական կենտրոնները և այնտեղից արդարացած վերադառնում են»¹:

Վերևում բերված բոլոր փաստերը վերաբերվում են այն հողերին, որոնք հաշվում էին մասնավոր սեփականություն:

Նույն ժողովածուի առանձին բաժնում բերվում են վավերագրեր նաև հայկական եկեղեցիների հողերի բռնագրավումների մասին: Ահա նրանցից մի քանիսը.

«Էրզրումի դավառ: Սուրբ Երիզոր Լուսավորչի վանքին պատկանող 5—040 դենյում (1 հեկտար = 10,9 դենյումի — Ե. Ա.) վարելահողը քուրդերը խլել են: Ախուդա գյուղի եկեղեցու 300 դենյում վարելահող զավթել է Ալի-Դեռե քուրդը: Ետիլերիկ գյուղի սուրբ Թորոս եկեղեցու 300 դենյում վարելահողը խլել է Վուդուցանի Թեմիրը»²:

«Վանի նահանգ: Վարազա վանքի մեծաքանակ հողերը զավթել են կանե և Սադո քուրդերը: Մայր Աստվածածնի եկեղեցու 70 դենյում հողը գրավել է Մուսչեսեփի քուրդը, որն այդ հողերի վրա կառուցել է մի հոյակապ շենք»³:

Այս փաստերը կրկին անգամ ապացուցում են վերևում արծարծած մեր այն միտքը, որ թուրքական և քրդական բեկերը և աղաները, տեղերում հենվելով Օսմանյան կառավարության անմիջական աջակցության վրա, բռնի կերպով խլում էին հայկական եկեղեցիների հողերը, այնպես ինչպես մասնավորներին:

Անկասկած հողերի զավթումը և հայերին հողազուրկ դարձնելը ոչ թե

¹ «La situation des Armeniens en Turquie», VI p. 12.

² Նույն տեղում, էջ 14.

³ Նույն տեղում, էջ 35.

⁴ Նույն տեղում, մաս IX, էջ 21.

⁵ Նույն տեղում, էջ 13.

Օսմանյան կառավարության թուլության հետևանքն էր, այլ Օսմանյան կառավարության ազդարարին քաղաքականություն:

Հոգերի բռնազրավման մեթոդը միակը չէր հայերի հողազրկման գործում:

Օսմանյան կառավարությունը սխտեմատիկորեն անցկացնելով հայկական հողերի էքսպրոպրիացիայի քաղաքականությունը, օգտագործում էր նաև իր դատական օրգանները, որոնց միջոցով նա օրինականացնում էր հողերի պալթումները:

Վերևում մենք ասացինք, որ ինչպես թանգիմաթի ռեֆորմներում, նույնպես և միջազգային պայմանագրերում, Օսմանյան կառավարությունը բազմիցս խոսք էր տալիս օրենսդրության ասպարեզում քրիստոնյաների իրավունքները հավասարեցնել մուսուլմանների իրավունքների հետ:

Բեռլինի պայմանագրի 63 հոդվածում այդ մասին ասված է հետևյալը. «Բոլորը—անկախ նրանց հավատի, դավանության, իրավունք ունեն դատարանի առաջ վկայություն տալու: Թե ինչպես է դա կիրառվել պրակտիկայում, ցույց է տալիս Անգլիայի հյուպատոս Չերմսայդի տված վկայությունը.— «Տեսականորեն քրիստոնյաներին թույլատրվում է բոլոր դատարաններում լինել վկա: Բայց գործնականում երբեք ոչ մի մուսուլման քրիստոնյաների վկայության հիման վրա չի ենթարկվում պատժի: Դատարանում քրիստոնյաների վկայությունը թույլատրվում էր միայն քրիստոնյաների դատական գործերի ժամանակ, բայց քրիստոնյաների և մուսուլմանների միջև տեղի ունեցած դատական գործերում քրիստոնյաների վկայությունը անհանդուրժելի էր»:¹

«1856 թվի Հաթթը-Հումայունի տված օրենքի հավասարությունը քրիստոնյա ժողովրդի համար գոյություն չունի»:² այդպես է զրել 1867 թվին անգլիացի հյուպատոս Սկինը:

Փամանակակիցների այդ հաղորդումները ցույց են տալիս, որ թուրքական դատարանների միջոցով կառավարությունն օրինականացնում էր բռնի կերպով զբաղված հողերը: Դրանով է բացատրվում այն, որ քրիստոնյաներից դատարանում վկայություն չէին ընդունում: Յուրաքանչյուր մուսուլման, առանց օրենքի դժվարության, կարող էր, դատարանի միջոցով, օրինականացնել հայերի հողերի զավթումը: Դրա համար բավական էր սարքել կեղծ փաստաթուղթ, կամ մեկ երկու մուսուլմանների վկայաբերելով հաստատել, որ առաջ այսինչ հայի հողերը պատկանելիս են եղել այսինչ թուրքին:

Այդպիսի դեպքերի մասին բազմաթիվ փաստեր են բերված «Տեղե-չաղիրք զաւառական հարստահարութեանց» ժողովածուի մեջ:

Բերենք նրանցից մի քանիսը.

«Տիգրանակերտի Սաթը գյուղի բոլոր արտերը Միջլթեհա անուն իսլամ կին մը յուրացած է բոլորովին... Շատ տարիներն ի վեր խնդիր եղած է, բայց տեղական կառավարության որոշումը միշտ իսլամ կնոջ

¹ «Положение армян в Турции»..., стр. 296.

² Նույն տեղում, էջ 135:

նպաստավոր ըլլալով՝ հայերը դատապարտված են միշտ անոր բաժիս հանել իրենց աշխատանքը արդյունքեն¹։

Այդ ժողովածուի մի ուրիշ փաստաթղթում ասված է. «Մուշ գավառի Մորնինկ գյուղի հայերը 40—50 տարե ի վեր, առանց որևէ անձե բողոք և պահանջում տեղի ունենալուն նույն գյուղի հողերը մշակած ըլլալով, ըստ օրինի սեպրականության իրավունք ստացած են։ Ասկից մեկ քանի տարե առաջ Մշո Մյուֆթի Հյուսեին էֆենտին յուրացնել ուղեկով գանոնք՝ ձեռնամուխ կը լինի ժողովուրդը կը բողոքե, մյուֆթին յուր պահանջումեն հետ չմնար և կը ըռնադատե ղգյուղացի հայերն իրենց հողերը թողուլ, Կարնո կուսակալ Իսմայիլ փաշան երբ Մշո կողմերն այցելության կերթա, անձամբ քննություններ ընելու և ժողովրդյան վիճակը լավ մը հասկանալու, սույն խնդիրն ալ նկատողության կառնու և՛ քննությամբ ստուգելով՝ մյուֆթին պահանջումն անիթավ և ժողովրդյան նույն գյուղի արտերուն բացարձակ տերն ըլլալը կը հաստատե։ Փոքր ինչ անց՝ հետեարար նույն գյուղի հողերը ղյուղացի հայոց անվան վրա արձանագրել կուտա...» Եւսմայիլ փաշան՝ Մշո աշխարհին մեջ այս ե ուրիշ բարեկարգություններ ընել և խել մը քուրդ պեյեր իրենց որջացած տեղերեն վերցնելով աքսորելիս վերջը՝ Կարին կը դառնա. շատ չանցնիր Կարնո կուսակալության պաշտոնեն կը հանվի։ Հիշյալ Մյուֆթին՝ սույն փոփոխութենեն օգուտ քաղելով յուր նախորդ պահանջումն ու դատը կը նորոգե։ Մորնինկ գյուղեն քանի մը մարդ բերել կուտա ի Մուշ ե, ասոնց խոստումներ ու սպառնալիքներ ընելով, տեղական կառավարության ժողովին մեջ հանուն գյուղացվոց ըսել կուտա անոնց թե՛ նույն գյուղի բոլոր հողերն ու արտերը Մյուֆթի էֆենտինն են և թե՛ գյուղացիք անոր վարձկաններն են։ Ասոր վրա որոշում կը տրվի որ՝ նույն հողերուն բացարձակ տերը Մշո Մյուֆթի Հյուսեին էֆենտինն է, առարկելով՝ թե այսպես վկայված է և թե նախորդ քննությունն ու տնօրինությունը սխալմամբ եղած են։ Գյուղացիք կրկին անպամ են բողոքում, բայց դատարանը որոշում է Մյուֆթի Հյուսեյնի օգտին²։

Այս վավերագիրը ցույց է տալիս, որ նույնիսկ, երբ թուրքական շինոթնիկներն մեջ գտնվում էին մարդիկ, որոնք ազնվորեն էին վերաբերվում հայերին, Կ. Պոլսի կառավարության կողմից այդպիսիներն անմիջապես հեռացվում էին պաշտոնից, ինչպես այդ արվել է Իսմայիլ փաշայի նկատմամբ։ Նրանց տեղը դնում էին այնպիսի մարդկանց, որոնք հայերի նկատմամբ հետևողականորեն իրազործում էին սուլթանական կառավարության քաղաքականությունը։

Հայկական հողերի էքսպրոպրիացիայի մի ուրիշ ձևն էր հողերի կոնֆիսկացիան պետական տուրքերը ժամանակին չվճարելու դեպքերում, ըստ որում ըռնապրաված հողերի արժեքը մի քանի հարյուր անգամ ավելի էր այն տուրքերի դուժարից, որոնք բնակչությունը պետք է վճարեր կառավարությանը։ Բերենք մի քանի փաստեր.

«Ղորեկ գյուղի (Սիվազի նահանգ) գյուղացի Մ. Թամազյանի երեք

¹ «Տեղեկագիրք գաւառական հարստահարութեանց», էջ 10։

² Նույն տեղում, էջ 11։

արտերը արժողությամբ՝ 300 լիվր,¹ պետությունը բռնագրավել է 10 լիվր տուրքի դիմաց»։

Մի ուրիշ փաստաթղթում ասված է. «Ինքնիշխան գյուղի (Բուքսայի նահանգ) 200 կտոր արժեքավոր հողերը, արտերը և խոտհարքերը ենթարկվել են բռնագրավման առաջնության տուրքի չնչին գումարը չմեծելու պատճառով»։

Կոնֆիսկացիայի ենթարկված այս հողերը կառավարությունը թափույի սիստեմով տալիս էր այլ անձանց, դիտարկելով մուսուլմաններին։

Օսմանյան կառավարությունը հայկական հողերի կոնֆիսկացիան կատարում էր նաև պետական երկրագործական բանկի միջոցով, գյուղացիներին նրա տված վարկերը մարելու պատրվակի տակ։ Գյուղացին չորս կողմից խնձաված լինելով տուրքերի մեջ, ստիպված էր լինում դիմել երկրագործական բանկին կամ վաշխառուներին։ Հաճախ գյուղացին ի վիճակի չէր լինում վերադարձնել բանկից վերցրած վարկը, կամ նրա տոկոսները, որովհետև սովորաբար տոկոսների գումարը մի քանի անգամ գերազանցում էին վերցրած վարկը։ Գյուղացու պարտքը այնպիսի չափի էր հասնում, որ բոլոր ունեցվածքը վաճառելուց հետո, նա չէր աղատվում պարտքի վճարումից և այդ դեպքում երկրագործական բանկը գրավում էր, ի դիմաց պարտքի, գյուղացու վերջին հողակտորը։

Բանկի գործունեության մասին Պարույր Աթանեսյանը գրում է. «Օսմանյան երկրագործական բանկը, վարկերը ժամանակին չվճարելու դեպքում, վարկատիրոջ հողերը իրավունք ունի վաճառելու պարտքերը գանձելու համար»։²

Դրա մասին մեզ արդեն ծանոթ ֆրանսիական ժողովածուի մեջ կարգում ենք. «Ա. Մծեանի (Մարաշ, Հալեպի վիլայեթ) մի հողամասը 150 լիվր արժողությամբ երկրագործական բանկը կոնֆիսկացիայի է ենթարկել 10 լիվր պարտքի դիմաց»։³

Այս փաստերը ցույց են տալիս, որ Օսմանյան կառավարության ձեռքում երկրագործական բանկը փաստորեն հայերին ճնշելու և հողագործի դարձնելու գործում հանդիսանում էր լրացուցիչ մի միջոց, չնայած նրան, որ նա իբրև թե ստեղծված էր գյուղացիներին օգնելու նպատակով։

Պարտքերը ժամանակին չվճարելու դեպքում, հայերի հողերը բռնագրավում էին նաև վաշխառուները, որոնցից գյուղացիները պետական տուրքեր մեծելու համար հաճախ ստիպված էին լինում պարտք վերցնել 150—200 տոկոսով՝ վերադարձնելու նպայմանով։ Դրա հետևանքով գյուղացին կորցնում էր ոչ միայն իր հողը, այլև ինքն ամբողջապես դառնում էր վաշխառուի քմահաճույքի առարկան։

Բացի հայերի վերևում բերված հողագրկման մեթոդներից, գյուղություն ունեցող մեկ ուրիշը, որը կիրառվում էր հայկական բոլոր վիլայեթ-

¹ Մեկ լիվրը հավասար է 7 ա. 50 կ.

² „La situation...“ մաս IX, էջ 101.

³ Նույն աղբյուր.

⁴ Պ. Արամեյան — «Հայկական վիլայեթների ներկա տնտեսական վիճակը» (Երևան, էջ 318—319).

⁵ „La situation...“ մաս IX, էջ 116.

ներում: Օսմանյան կառավարությունը հայկական վիլայեթներում տեղավորում էր բռնի կերպով այնտեղ գաղթեցված մուսուլմաններին, իսկ տեղացի հայերին, հողագործի անելով, քշում էր երկրի խորքերը, կամ դադարեցնում ուրիշ երկրներ: Հայերի հողագործական այս մեթոդը երևան է հանում Օսմանյան կառավարության բռն նպատակները և ձգտումները՝ հայկական վիլայեթներում հայերին փոխարինել թուրքերով և վերջնականապես խեղդել հայերի ազգային ազատագրական շարժումը, որը 60—80-ական թվականներին դարձել էր համազգային շարժում: Այդ քաղաքականությունով թուրքիան ձգտում էր հասնել մի երկրորդ քաղաքական նպատակի՝ ավազանել արևելյան ճակատը, լուծել հայկական հարցը և վերջ դնել մեծ տերությունների միջամտություններին թուրքիայի ներքին գործերի մեջ:

Այս հիմնական պատճառներով է բացատրվում մուսուլմանների ներգաղթի ուժեղացումը և նրանց տեղավորումը հայկական վիլայեթներում:

Մեր ձեռքի տակ գտնված փաստաթղթերից երևում է, որ հաճախ ուրիշ երկրներում բնակվող մուսուլմանները չէին կամենում վերադառնալ թուրքիա: Թուրքական կառավարությունը նպաստավոր առաջարկներով և հարկ եղած գեպքերում հարկադրաբար նպաստում էր նրանց ներգաղթին: Այսպիսով ի հաշիվ հայկական բնակչության, ավելանում էր մուսուլմանական բնակչությունը թուրքահայաստանում:

Բազմաթիվ փաստեր ցույց են տալիս, որ սկսած 1877—1878 թվականների ռուս-թուրքական պատերազմից, հայկական հողերի մասսայական բռնագրավումը դառնում է ընդհանուր երևույթ:

Այսպիսով, հայերի հողագրկման վերահիշյալ ձևերը ցույց են տալիս, որ այնպիսի երկրում, ինչպիսին էր թուրքահայաստանը, որտեղ աղղարնակության 90 տոկոսը պատկանում էր գյուղատնտեսությանը, հողերի մասսայական բռնագրավման հետևանքով գյուղացիության զգալի մասը հողագործ էր դառնում: Այս միտքը հիմնավորելու համար բերենք տվյալներ արևմտահայ գյուղաշիր Գեղամ Տեր-Կարապետյանի կազմած աղյուսակից: Տեր Կարապետյանը եղել է անդամ Կ. Պոլսի պատրիարքարանի կողմից կազմակերպված հանձնաժողովի, որի նպատակն էր որոշել բռնագրավված հայկական հողերի ընդհանուր քանակը: Այդ հանձնաժողովը 1910—1911 թվականներին 6—7 ամսվա ընթացքում տեղում ուսումնասիրելով փաստաթղթերը, հաստատեց, որ բռնագրավված հողերի ընդհանուր քանակը առանձին առանձին վիլայեթներում կազմում է.¹

	Օրավար՝	Հեկտար
Կարինի վիլայեթում և հարակից գավառներում	100,000	72,000
Խարբերդի վիլայեթում և հար. գավառ.	200,000	141,000
Սեբաստիա (Սիվազ) և հարակ. գավառ	80,000	57,000
Իհարրեբերդի վիլայեթում և հար. գավառ.	200,000	144,000
Էլանի " " "	100,000	72,000
Բիթլիս, Մուշ " " "	350,000	252,000
Ընդամենը	1,030,000	741,000

¹ Գեղամ Տեր-Կարապետյան—«Հոգային հառա հայաբնակ նահանգների մեջ», էջ 43—44:

² Կ. Տեր-Կարապետյանը բռնագրավված հողերի քանակը ավել է օրավարով: Մենք օրավարը վեր ենք ածել հեկտարի: 1 օրավարը հավասար է 3/3 դեռյալի, 1 դեռյալինը 3,093 հեկտարի:

Այս աղյուսակի հիման վրա անհնարին է որոշել բռնագրաված հողերի տոկոսը, որովհետև մեր ձեռքի տակ չկա հայերի մշակած հողերի ընդհանուր քանակը: Բայց և այնպես աղյուսակում բերված թվերը ցույց են տալիս, որ հայերի հողերի բավականին մեծ տոկոսը եղել է բռնագրավված: Այդ է ապացուցում նաև Աթանեսյանը իր «Հայկական վիլայեթների ներկա տնտեսական վիճակը» հոդվածում: «Հողը տաճկահայ գյուղացու ձեռքից դուրս է դնում... Այսպես, օրինակ՝ Խալիթի շրջանում հայերի հողերից գրավել են 92 տոկոս, իսկ Մալաթիայի շրջանում՝ 87 տոկոս և այլն»:¹ Նույնը կարելի է ասել նաև Բիթլիսի, Վանի, Դիարբեքի և Մուշի վիլայեթների վերաբերյալ, որտեղ բռնագրաված հողերի տոկոսը 70—80-ից ցածր չէր, որովհետև մեզ հասած վավերագրերը ցույց են տալիս, որ ամենաշատ բռնագրավումները եղել են հենց այդ հարավ-արևելյան հայկական վիլայեթներում: Իսկ բացատրվում է նրանով, որ այդ վիլայեթներում քուրդները թվով ավելի շատ էին և թուրքական կառավարությունը հենվելով քրդական բեկերի վրա, հեշտությամբ էր իրագործում իր քաղաքականությունը: Նման քաղաքականությունն այնքան էլ հեշտ չէր հաջողվում կիրառել Հայաստանի հյուսիս-արևմտյան վիլայեթներում, որտեղ ուժեղ չէր քրդական տարրը:

Արևմտահայ հրապարակախոս Բյուզանդ Քեչյանը գրում է. «Որ արագելորեն, դարեր շարունակ կատարվում էր Թուրքիայի հայկական գյուղերի քայքայումը, հայերին հողազուրկ անելու միջոցով, հիմք ունենալով բռնությունը, որպես մշտական գործող օրենք, թե այդ հողազրկումը Հայաստանի ազդարնակչությունը քշել է աշխարհի բոլոր ծայրերը»:

Հայերի էմիգրացիան Թուրքիայից, որպես թուրքական լծից ազատվելու մի միջոց, սկսվել է այն ժամանակ, երբ Հայաստանը ընկել է Թուրքիայի տիրապետության տակ: Բայց էմիգրացիան ավելի լայն ծավալ է ընդունել XIX դարի առաջին և մանավանդ երկրորդ կեսերում, երբ Օսմանյան կառավարությունը սկսել էր իրագործել Հայաստանը հայերից մաքրելու քաղաքականությունը՝ հողազրկության և ֆիզիկական ոչնչացման միջոցով:

Հայերի մասսայական էմիգրացիան ավելի մեծ ծավալ ընդունեց 1877—1878 թվականների ռուս-թուրքական պատերազմի և 1894—1896 թվականների հայերի կոտորածի ժամանակ:

*Թուրքական կառավարության մշտական հարստահարությունների պատճառով «Օրդուից շատ հայեր սկսել են դադարել Պրուսա և ուրիշ տեղեր»:*²

Բացի էմիգրացիայից խոշոր չափեր է ընդունում նաև պանդխտությունը: Այդ մասին Միքայել Նալբանդյանը «Երկրագործությունը որպես ուղիղ ճանապարհ» աշխատության մեջ գրում է. «Ազդր օրըստօրե թողնում է իր երկիրը և կենտրոնանում է քաղաքներում: Աղքատությունը ստիպում է նրան թողուլ յուր տունը, յուր ընտանիքը, յուր ամուսինը, յուր զավակները և գնալ Պոլիս կամ այլ քաղաք աղքատությունից ազատվելու համար»:³

¹ «Զիթենի», ժողովածու, Թիֆլիս, 1915, էջ 318:

² Նույն տեղում, էջ 419:

³ Մ Նալբանդյան—Երկրագործությունը որպես ուղիղ ճանապարհ, Երևան, 1930 թ., էջ 73:

«Մշո աշխարհ 25 տարեկան մարդ չմնաց, դարձրություն կավրե մեր աշխարհ»¹

Հայերի էմիգրացիան, աղքատությունը և հողազրկությունը թուրքահայաստանում սերտորեն կապված էր նաև հարկային քաղաքականության հետ, որը կազմում էր Օսմանյան կառավարության ազրարային քաղաքականության անբաժանելի մասը:

Օսմանյան կառավարությունը XIX դարի երկրորդ կեսում թաղված լինելով պարտքերի մեջ, չափազանց ավելացնում է մինչև այդ գոյություն ունեցող հարկերը և բացի այդ մտցնում է մի շարք նոր հարկեր:

Օսմանյան կայսրությունում, այդ թվում թուրքահայաստանում գանձվող բոլոր հարկերը բաժանվում էին երկու խմբի: Առաջին խմբին պատկանում էին այն հարկերը, որոնք գանձվում էին Ղորանի հիման վրա և կոչվում էին օրինակյան, Դրանք էին գլխահարկ կամ ջիզիե, զինվորական հարկ—խարաթ ոչ մուսուլմանների համար և աշար—տասանորդ, որը գանձվում էր կայսրության, ինչպես մուսուլմանական, այնպես և ոչ մուսուլմանական բնակչությունից:

Երկրորդ խմբի մեջ մտնում էին մնացած բոլոր այն հարկերը, որոնք սահմանվում էին պետական իշխանության որոշումների և կարգադրությունների համաձայն:

Իսլամի սրբազան օրենքը, որը հրատարակված էր որպես անխախտ աստվածային գիրք, գլխահարկի մասին ասում է հետևյալը. «Եթե ույան (հպատակ քրիստոնյան—Շ. Ս.) հրաժարվում է մուսուլման դառնալուց, ապա նա կարող է ընտրել երկուսից մեկը՝ մահ կամ փրկանք վճարել: Եթե նա յուրաքանչյուր տարի վճարում է գլխահարկ ապրելու իրավունքի համար, ապա ստացականի մեջ ասվում է, որ այդ տուրքը ներկայացնում է իրենից փրկանք տվյալ տարում իր դուխը կրելու իրավունքի համար:

Այս տուրքը թուրքերեն լեզվով կոչվում է ջիզիե. ջիզիե խոսքը նշանակում է փոխարեն կամ հատուցում մահից ազատվելու համար, եթե քրիստոնյան հրաժարվում է իսլամություն ընդունելուց:

Ուարաջ հարկը, որ արաբերեն կոչվում է բեդելը էսկերիե, բառացի նշանակում է «զինվորության փոխարեն», վճարում էին միայն քրիստոնյաները: Օսմանյան կայսրության մեջ հայերը, ինչպես և մյուս քրիստոնյա ժողովուրդները, որպես անհավատներ իրավունք չունեին սուլթանի բանակում ծառայելու: Զինվոր վերցնում էին միայն մահմեդականներից, իսկ ույան—քրիստոնյան—վճարում էր հարկ:

Թուրքական օրենքով յուրաքանչյուր 135 տղամարդ տալիս էր մեկ զինվոր, ուստի 135 քրիստոնյա տղամարդ պետք է տային մեկ զինվորի արժեքը:

1856-ի օրենքով այս հարկը (զինվորական—Ս. Շ.) պետք է վճարեն միայն զենք կրելու կարողություն ունեցող անձինք, այսինքն 20-ից մինչև 40 տարեկան հասակ ունեցողները. բայց հարկահանների համար օրենք ասած բանը չկար, նոքա մինչև կաթնակեր մանուկներից զինվորական հարկ են առնում...»²

¹ Հանդես գրականական և պատմական, 1888, գիրք Ա, էջ 228:

² Փորձ, 1877—1878 թ., էջ 376:

ներանց կալվածքը համարվում էր անժառանգ ժառանգություն և վաճառվում էր աճուրդով հոգուտ գանձարանի։ Այդ ճանապարհով Օսմանյան կառավարությունը ղրկում էր օրինական ժառանգներին հողից և աղքատների թիվը թուրքահայաստանում տարեց տարի ավելանում էր։

Հայերի զրկումը հողից և տնից, ընդհանուր բնույթ է ընդունում մահալանգ 1877—1878 թվականների ռուս-թուրքական պատերազմից հետո, երբ պատերազմի ընթացքում հայերից շատերը անցել էին ռուսների կողմ։ Երբ խաղաղության պայմանագրի համաձայն հայերը վերադառնում են իրենց հարազատ օջախը, թուրքական կառավարությունը օգտագործելով «ինտիհալը» — կալվածագրերը, զրկում է հայերին իրենց բոլոր ունեցվածքից՝ հողից, տնից, անասունից, որովհետեւ պատերազմական գործողությունների և թափառական կյանքի ընթացքում, հայերը կորցրել էին իրենց ունեցած փաստաթղթերը։ Դա իհարկե, պատահական երևույթ չէր, այլ թուրքական կառավարության մտածված և սխտեմատիկորեն անցկացված քաղաքականության մի մասը։

Այսպիսով Օսմանյան կառավարությունն իր ազրարային քաղաքականությունով՝ հայկական հողերի մասսայական ընդհարավումների և հարկային սխտեմի չտեսնված ճնշման միջոցով, ձգտում էր թուրքահայաստանի տնտեսական քայքայմանը, որը նպաստում էր թուրքահայաստանը հայերից մաքրելու քաղաքական ծրագրի իրագործմանը։